

Tweemol keem de Wiehnachtsmann

Kathrin un Max weern nu al teihn Johr verheiod. Se kunnen goot miteenanner, harrn twee feine Kinner un weern mit jumehr Leven tofreden. De lutte Thoomas weer fief Johr old, Swantje, wat sien Suster weer, gung al no School.

Wenn de Eheluud op jumehr Ollern, op de Grootollern von de Kinner, to snacken kemen, weer do meist so een lutt beten Grienen mit bi. De Ollern - de von Kathrin un ok de von Max weern mit de Heirot nich inverstohn ween. So as dat jo ortins is - de Ollern von Kathrin weern de Menen, ehr Dochter harr doch noch 'n annern Mann kriegen kunnt - en de beter stellt weer un nich as Discher no Fabrik gohn un in smeerigen Tuuch rumlopen muj3.

De Ollern von Max weern de Menen ween, dat ehr Sohn doch ok de Deern von enen Discher freen, un in enen Bedriev inheioden kunnt harr.

Mit de Tiet weern aile veer Grootollern over woll doch do achter komen, dat dat so, as dat komen is, gaOl goot weer. Nu weer dat Freden in de Familie un gegensietiges Besoken.

Over de Grootollern unnerenanner, de nu jo mitkreegen harrn, dat ehr Deern / ehr Sohn as nich goot noog aneken worrn weer, de weern sik noch lange Tiet ufn Weg gohn. De beiden Froonsluud dan dat ok nu noch.

Stoor sik over keeneen doran. De Eheli.iud kunnen do over smuustern, de Kinner kregen dat gor nich mit un besoken mol de en un mol de annern Grootollern.

Bloots Wiehnachten weer dat nich so eenfach. Max weer de eenzigste Sohn, un Kathrin ehr Suster leev mit ehrn Mann wiedaf un harr noch keen Kinner. En Wiehnachtenovend ohne Kinner - is over jummer so'n beten to still.

Kathrin lood Ollern un Swiegerollern nu umschichtig to'n Wiehnachtsovend in. Se wulln dat jo nich anners hebben.

Kathrins Vadder harr mol enen Fuhrwarkshoff un hett bi den Verkoop for sik en Peerd un enen Wogen beeholln. So weer he op den Gedanken komen, fOr de Grootkinner Geschenken to verpacken, in enen grooten Karton to steken un den an'n Wiehnachtenovend, nem de annern Grootollern mit Bes66k an de Rehg weern, fOr de Huusdoor to bringen, to klingeln, optopassen dat he richtig afhoolt ward, un denn wegtofohrn. Egens funn he dat jo lachhaftig. He harr in de Twlischentiet okal mol mit den annern Grootvadder en Beer drunken un sik goot mit em unnerholln. Over gegen de Froonsli.iud kemen de beiden in dusse Sook nich an.

De Gedanke mit dat grote Paket for de Door - de weer over goot. De ganze Familie keem an de Door, de Kinner Frein sik as dull, dat de Wiehnachtsmann nochmol komen weer, un de Vadder sleep dat grote Paket in't Huus. Wat schood, dat de Grootvadder weller fohrn muj3 un bi dat Utpacken nich mit bi ween kunn.

De Ollern von Max harrn dat over ok mitkregen un wllissen woll, wokeen do Wiehnachtsmann speelt harr. Se wulln nich nostohn. So keem dat, dat nu dat annere Johr de Wiehnachtsmann ok tweemol keem. Un dat bleev eerstmol so. De Kinner vertelln overall bi de Noversluud, dat de Wiehnachtsmann bi jum tweemol keem.

Man mit de Tiet kunn Swantje, de Deern, de jo al no School gung, nich mehr so recht an den Wiehnachtsmann gloven. Dat grate Paket muj3 jo over jichtenswoher komen. Neeschierig, as Minschen nee, nich bloots de Deerns un de Froonsluud - nu mol sund, wull se do woll achter komen. Se snack mit nums do over. Over an'n Wiehnachtenovend - de 011 ern von Max weern to Besook - stilnn de Deern jummer mol weller an't Finster achter de Gardien un keek no buten. No'n Wiel kreeg se denn ok Peerd un Wogen in Sicht un gung heemlich no de Door. Se mook de enen Spier open - un kreeg de Graotollern to sehn, gung no buten un begroot jum. Ok de Grootmudder weer mitkomen. Oat Begroten kreeg Kathrin mit un keem ok ruut. Un denn - jo leeve Tiet, dat weer nu doch allang mol an de Rehg, dat se all tohoop fiern dan.

Lieselotte Greife (Heidjer Platt)

[Zurück](#)